

En duas emnas vai liber

Ils 25 da zercladur ha lieu en Carinzia en l’Austria la festa d’aver-tura da l’Europeada 2022. In di pli tard cumenza il turnier per las duas squadras da ballape rumantschas. La finamira è da re-preschentar la Rumantschia en la meglra glisch – saja quai sin il plaz da ballape u er sin tribuna a chaschun dal di da cultura, nua ch’ils artists *Leander Albin* e *Rafael Summerauer* accompognan la delegaziun rumantscha. Quai scriva la CBR, l’uniun cultura bal-lape rumantsch en ina comunicaziun a las medias. Il campiunadi europeic da las minoritads naziunalas autoctonas, che ha lieu per la quarta giada e che ha stuì vegnir spustà duas giadas pervia da la pandemia, dura in’emna e cumpiglia anc bler dapli che «mo» in turnier da ballape.

Sin il program da questa emna ballapeistica èn ultra dals gie-us er exposiziuns e preschentaziuns da la FUEN, discussiuns da podium davart temas en connex cun minoritads e sairadas cun musica – igl è pia betg mo ina emna sportiva, mabain er cultu-rala. Ulteriuras infurmaziuns davart il plan da gieu ed il program accompagnant da l’Europeada en Carinzia èn da chattar sin www.europead.eu (cdm/fmr)